

INUIT ATAQATIGIIT

INATSISARTUNI



UKA 2013/69.1
22. oktober 2013
Hans Aronsen

Ingerlatseqatigiiffiit tamakkiisumik ilaannakoortumilluunniit akiliisartut il.il. eqqarsaatigalugit ingerlatseqatigiiffinnut akileraarutip 1. januar 2015 aallarnerfigalugu 20%-nut appartinnissaa pillugu kingusinnerpaamik UKA2014-mi inatsisip allanngortinnissaanut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortat Jens B. Frederiksen aamma Andreas Uldum, Demokraatit)

Nunap namminiilivikkiartuaartup inuiaqatigiinni atugarissaarnikkut avitseqatigiiffiusup, akileraarutit pisariaqartittuassavai. Akileraarutillu peqqissaartumik silatusaartumillu atuutsinnissaat nunap polittikkikkut aqutsisuisa killiffigisamik siunissamilu naatsorsuinermik tunngaveqartumik suliassaraat.

Inuit Ataqatigiinniik siunnersuummik qaqitsisut Demokraatineersut Jens B Frederiksen aamma Andreas Uldum qujassuteqafingalugit imatut siunnersuummut oqaaseqassaagut.

Ullumikkut ingerlatseqatigiiffinnut akileraarutaasoq taamatut isikkoqarluni atuutinneqarnera killiffiusumut naammaginatutut isigaarput, allanngortinneqarnissaanillu siunnersuut ilalernartinggikkippat matumani aamma oqaatigissavarput.

Inuit Ataqatigiit isumaqaratta akileraartarnikkut tamakkiisumik nalilersuisariaqartungut, nalilersuinermilu akileraarutit suulluunniit inuiaqatigiinnut sunniutaasa sunniutigisinnaasaasalu aalajangiinnginnermi inatsisartuni takuneqarsinnaasunngorlugit saqqummiunneqaqqaartariaqarmata.

Aatsaat taama periarfissaqartigileriarporput akileraarutini isumalluuteqarluta atugarissaarnikkut aqutissiuussinissarput, ukiunimi kingullerni aatsitassarsiornikkut nunatta soqutiginaatai saqqummiartuinnarsimasut uuliaqarneranillu misissuinerit suli ingerlarsortut isertissinnaasatsinnik ilimanaateqarluarput.

Suliniutillu angisuut akileraarutitigut isertitsiffiginerisigut suliassat nunatta iluani ineriartortussaeneri ilimagisavut, nunatsinni suliffeqarfinni isertitsissutaasalerumaartut kingunissaasa takoqqaartariaqarneri pingaartippavutaaq.

Taamaattumik piffissaq siaarlugu isigissagaanni toqqaannartumik akitsuutitigut isertitsinnaanitsinninngarnik, akileraarutitigut isertitsinissaq Inuit Ataqatigiinniik qularnaattut neriuteqarnerpaatullu isigaarput.

Taamatut Inuit Ataqatigiinniik oqaaseqarluta Naalakkersuisut akissutsiminni paasissutisat tunngavilersuutaat paasilluarlugit inassuteqaataat taperserparput.

